

BIBLIOTECA
SEMINARIO V.
PORDENONE

B

B

BR1

BIBLIOTECA
SEMINARIO V.
PORDENONE

B

A

BRI







PRO EXALTATIONE SANCTORVM CORPORVM

A TEMPLO VETERI DIVAE

IUSTINAE AD TEMPLVM

eisdem nouum,

per Reuerendum Abbatem, ac totius Casinen-
sis vel Sanctæ Iustinæ congregationis
Præsidentem, D. Peregrinum
de Mutina.

MARCI BRIXIANI MONACHI
ad Patauinum populum
Oratio.



PATAVII,
Apud Gratosum Perchacinum.
M D LXII.

1

PRO EXALTATIONE

SANCTORUM CORPORUM

A TEMPO TERTII LIVAE

JUSTINAE AD TERTIAM

ALIDEM NOTAM

per Rectorum Abbatis, ac totius Capituli

in hoc sacro Imperio, ac

Præbendam, D. Petrum

de Mollis.

MARCE BRUXIANI MONACHI

ad Præbendam populam

Claro.



PATAVI

Apud Gerasium P. Rectorum


M. D. LXII.



MARCI BRIXIANI MONACHI

ad Patauinum populum

Oratio.



C C E nobis Præsul
Reuerendisime, splendi-
disime Equestris ordinis
Prætor, integerrime Præ-
fecte, Venerandi Sacerdo-
tes, Patresque optimi, do-
ctissimi Gymnasiarchæ,
magnifici Reipublice Designati, prisque qui ade-
stis ac religiosi omnes viri electa Dei vasa, fra-
grantia vnguentis optimis. Ecce, inclyta Pata-
uina Ciuitas thesaurus tuus, thesaurus desidera-
bilis, thesaurus pretiosus thesaurus infinitus, in
cuius comparatione, omne Midæ aurū, omnes
Cræsi diuitie, & ipse quoque omnes auari Pig-
maleonis opes, quasi lutum, & quasi arena exi-
gua reputentur. Ecce domus aromatum pris-
simi regis Ezechiae, aurum quoque, & argen-
tum, & pigmenta varia, & quæcumque recon-
dita habuit in thesauris suis, quæ tibi hodie, cœ-
lesti

A 2

O R T I O

Iesti Angelorum gaudio, & exultatione vni-
 uersæ terræ, religiosissimus Abbas, sacraque
 Iustiniana Monachorum Familia, felicissimo
 proponit spectaculo. Sed multo sapientius,
 multo iocundius, multoque beatus, quam ille
 qui sacrum thesaurum profanis ostendit Baby-
 loniis, quos oderat Deus, & qui quandoque do-
 mum regiã spoliaret, vasaque omnia Sacrosan-
 cti Templi Idolis suis sacrarent. Hic vero non im-
 pijs & idolatris, sed tibi Deo caræ Ciuitati, ac
 deuotissimo Populo tuo, ornato quem cernis
 cultu, pretiosos thesauros, solemnibus cæremoni-
 is, spiritualique apparatu, decenter ostendit,
 nil timens à sancto Dei Propheta reprehendi,
 quia & nil ambigens, quin & tu beata hæc Dei
 dona summa pietate venereris, summa reueren-
 tia colas, summo honore prosequaris, summa
 obseruatione custodias. Isti sunt Dñi tui felix
 Patauium, non quos murmuranti Populo con-
 flauerit Aaron, sed qui te vere eduxerunt de ter-
 ra Aegypti, & de domo seruitutis Idolorum, qui
 te primo sale delibutam dulcissimis vberibus
 lactauerunt, & sancta Christiana Religione ini-
 tiarunt. Vt quæ ad simulacra muta ducaris,
 esses gens sancta, Populus acquisitioni ægale
 Dei

O R A T I O

Dei sacerdotium. Non hos facticios Deos, victosque penates medijs elapsus achiuis ædificator tuus tibi ex Illo vexit Antenor. Sed tibi dedit illos Dominus tutelares Deos victores hostium domitores orbis, triumphatores & amicos suos. Hos super muros tuos constituit custodes, qui te custodiant die ac nocte, & vniuersum Populum tuum ab omnibus inimicis suis protegant, & perpetua propugnatione defendant. Hi sunt clypei aurei, quos diuissimus Salomon noster Iesus Christus, in hoc sancto Tēplo suo posuit, in quibus refulget Sol, & resplendent montes ab eis, & omnis fortitudo gentiū dissipatur. Leua in circuitu oculos tuos Vrbs fidelis, & vide iocunditatem, quæ venit tibi hodie à Deo tuo. Vide inclytos Apostolicos proceres. Vide fortissimos Martyres. Vide Pastores tuos bonos. Vide candidas & rubicundas Virgines. Vide domesticos & Alumnos tuos. Vide & quibus de terra longinqua complacuit in te. Omnes isti congregati sunt, venerunt tibi, & elegerunt te in habitationem sibi. Hos excipe festiuis gaudijs, horum laudes decanta, horū felices recale memorias, quorum meritis ornata coruscas, quorum

san-

O R A T I O

sanguine purpurata refulges, quorum victorijs
 gloriosa triumphas. Prima tibi occurrit in ve-
 stitu deaurato, circumornata varietate, Virgi-
 nis os habitumque gerens, & dea certe. Sed non
 Phœbi soror, aut Nympharum sanguinis vna,
 non Amazonia Penthesilea, aut Volscæ de gēte
 Camilla, sed os ex osibus tuis, & caro de carne
 tua, illustris olim Regina, & alumna tua Iusti-
 na. Regina quidem, Regio genere, & Rege de
 patre nata, sed quæ regnū mundi, & omnem or-
 natum eius contempsit propter amorem sponsi
 sui Iesu Christi, quem amavit, in quem credidit,
 quem dilexit, quem perpetua virginitate vnum
 sibi virum coaptavit, speciosum forma præ fi-
 lijs hominum, cui Angeli seruiunt, cuius pul-
 chritudinē Sol & Luna mirantur, cuius castis-
 simo connubio, satis illustrior, satisque poten-
 tior facta est religione diuina, quam fuerat do-
 minatione terrena. Vide pulchram, & deco-
 ram inter filias Hierusalem, vide ornatā Spon-
 sam viro suo, non corruptibilius gemmis, sed
 pretioso quem pro eius amore effudit sanguine
 coruscantem. Hanc comitari non dedignantur,
 magni Apostolici heroes, magnæ Ecclesiæ
 columnæ, Cœlestis curiæ patritij, gloriæ si Se-
 nato-

O R A T I O

natores, Matthias, & Lucas, quorum alterius in Apostolatu, alterius laus est in Euangelio. Quorum alter magis iustus inuentus est à Spiritu sancto, quam qui iustus ab hominibus, & annumeratus est cum vndecim Apostolis. Alteri sanctissima Maria, sua diuina omnia secreta oracula, virgini, virgo, Ecclesiæ sanctæ referenda reuelauit. Cuius omnes scripturæ (vt egregie magnus quidam è patribus ait) languentis sunt animæ medicinæ. Et qui erat medicus corporum, factus est & medicus animarum. Ingredere post hos, quod tibi hodie apertum est, florentissimum Christi viridarium, & videbis non Alcinoi poma, non Hesperidū hortos, sed vernantia prata deliciarum. Videbis Violas, videbis Lilia, videbis perpetuas Rosas, & immarcescibiles flores. Videbis inquam tria Innocentum infantum martyrum corpora, ante Iesum pro quo passi sunt, palma, & coronis lætātia. Post illos, imo cum illis, vide optimos Pastores tuos, sanctos Dei Sacerdotes, Prosdocium & Maximum, tanquam magnos Dei Prophetas Eliam, & Elisseum, felici Cathedrę alterius ad alterū successione, non igneo curru, sed angelico comitatu in Cœlū raptos, Deum
pro

O R A T I O

pro populo suo deprecantes. Magnus Prophe-
 ta Profdocimus in spiritu & virtute Eliæ, sed
 qui Spiritum suum successori quoque suo Ma-
 ximo quasi Elisseo non inuideat. Qui vere
 maximus, non corporis, non diuitiarum aut
 mundi honorum magnitudine, sed amplissi-
 mo virtutum cumulo, tanti sui mensuram no-
 minis implet. Reuerendos Episcopos Hospi-
 tes suos, non incongruè sequitur ipse Dominus
 domus, sanctissimi huius Cœnobij, sanctissi-
 mus Abbas Arnaldus Religione conspicuus,
 confessione insignis, martyrio clarus, miracu-
 lis gloriosus, cui dum crudelis Tyrannus Ac-
 cialinus, arctissimo perpetuo carcere, terras ve-
 tat, latissimas ei Paradisi aulas aperuit: vt
 illum honorificè susciperet Cœlum, quem di-
 gnus habere non esset terrarum orbis. Quibus
 vero canticis beata Ciuitas, quibus dignis lau-
 dibus celebrabis insignes pietate viros Iulia-
 num & Vrium, quibus honoribus, grates eis
 poteris persolvere dignas, quorum sollicita re-
 ligionis cura, pro venerandis Sanctorum Re-
 liquijs, quæ passim ab impiissimo Apostata Iu-
 liano, de Sepulchris suis erutæ in Christiani no-
 minis odium dispergebantur, magno thesau-
 ro

O R A T I O

ro vasisque aureis & argenteis spoliavit Aegyptios, ditavit Hebræos. Hi sunt viri misericordiæ, oliuæ binæ pietatis vnicae, & candelabra luce radiantia, quorum memoria in benedictione tibi semper erit, quorum in generatione, & generatione, semper honos, nomenque primum, laudesque manebunt. Hi sunt qui immensa tibi illa munera, inestimabiles gemmas, aurea vellera, & pretiosa aromata attulere, qualia nec Iason à Colchis, nec ipsa Regina Sabba, ab Oriente attulit Salomoni. Horum alter Iulianus, scilicet trium Innocentum Martyrum corpora, de Iudææ partibus sublata, æternum tibi munus dedit. Alter vero Dei Sacerdos Vrius, Matthiam & Lucam, de Constantini Ciuitate, in qua impius ipse Tyrannus residebat Iulianus, quasi Angelus Domini Abraham & Loth de Vr Caldeorum & Sodomis ereptos ad te felici nauigatione perduxit. Factumque est, vt sicut à deuicto Sergio Paulo Proconsule, Paulus, & à subacta Affrica, Scipio Africanus dictus est, sic à deuicto Apostata Imperatore Iuliano, Iulianus, & à spoliata quasi Vr, Tyranni Ciuitate, Vrius nomina sua, vel acquisierint, vel impleuerint, vt eis pro tam felici

B victo-



O R A T I O

victoria, optimisque spolijs, non minorem pares triumphum, quam suo olim Roma Scipioni. Qui in hoc sancto Templo, cunctis quibus vixere diebus, beatis ipsis, quæ detulere corporibus, sacro cultu deferuientes, cum eis sepulti, ab illis, quos coluere viuentes, in morte quoque non sunt separati. Rectè itaque tam beneficos hos patres, quos vna in Deum religio, vna in sanctos eius pietas, vnus in terris sepulturæ locus, vna in Cœlis Paradisi sedes feliciter iunxit, nostra quoque simul iungit hodierna deuotio, nostra simul celebrat, solemnibus & grata memoria. Clauditis beatissimum Sanctorum nostrorum agmen, felicemque choream, secundum nomen suum, felicissima sanctimonialis Virgo Felicitas, noua Anna nostra prophetissa, quæ nunquam recessit de Templo Domini, cunctis diebus vitæ suæ, seruiens illi ieiunijs & obsecrationibus die, ac nocte. Cuius animam, & si gladius persecutoris non abstulit, palmam tamen martyrii non amisit, mundo se iugi carnis afflictione crucifigens, & mundum sibi. Ecce tibi felix Patauium, miro fulgore, in perpetuas æternitates radiantia, illustra duodecim felici numero, Zodiaci signa, quæ tibi hodie proferuntur, præter
in-

O R A T I O

innumerabilem stellarum illarum multitudinem, quæ in sacratissimo Templi huius puteo, quasi in firmamento Cœli coruscant, quarum nomina, & si nobis ignota, scripta tamen sunt in libro vitæ. Pretiosus puteus de quo verè dicatur, fons hortorum, puteus aquarum viuentium, quæ impetu barbaricæ persecutionis insigni martyrij corona fluxere de Libano. Hi sunt duodecim illi fontes Elim, ad quos submerso Pharaone, cū curribus & equitibus suis in mare, Duce Mose, castrametatus est Hæbreus populus, ex quibus tibi emanant, imbres charismatum, flumina benedictionum, gratiæ sanitatum, torrentes miraculorum, & largissimæ diuinarum dulcedinum perfusiones. Hi sunt inclyti principes duodecim, tribuum filiorum Israël, qui præcedant populum tuum ad bella fortissimi. Hi sunt firmissima fundamenta sanctæ ciuitatis nouę Hierusalem, duodecim illi pretiosissimi lapides, quos beatus in Apocalypsi sua recenset Ioannes, qui nō veteris Aaronis sacerdotis, sed Iesu nostri Pontificis magni, vestimenta exornent, qui pro nobis ingressus in sancta factus est, sacerdos in æternum Christus Dominus. Hi sunt duodecim apostolici

B 2 frag-

O R A T I O

fragmentorum Iesu panis cophini, quos ne perirent, fidelis Iustiniana domus, in hodiernum vsque diem seruauit. His enutrita es gloriosa Patauium, his in Christianum perfectum populum euasisti, vt esses ciuitas sancta, Vrbs fidelis. Hoc te hodie felicissimo munere beauit Reuerendus Abbas, ac deuotissima Iustiniana Familia. Hos tibi hodie omnes ostendit, hos hodie omnes in hoc sacro nouo Templo exaltat, praeter magnum tuum Prosdocimum, qui & si ab eorum pia recolenda memoria non fuerit separatus, eius tamen beatissimum corpus, in antiqua sede, sacroque altari suo honorifice requiescens, pro veteri tua seruanda consuetudine, illud ibi adorandum, vbi tandiu, innumeris claruit miraculis, prudentes patres immotum tibi reliquere. Hos itaque tu omnes venerare, hos quantis potes honoribus celebra, horum beatissima ossa deosculare, & adora. Ad horum te prosterne tumulos, ad horum solemnes aras, pias tuas preces, religiosa tua vota, dulces tuas lachrymas, suauia tua emitte suspiria, & effunde sicut aquam cor tuum ante conspectum Sanctorum tuorum, quorum sanctis meritis, iugique intercessionem, nullius eris irritum votum, nullius irri-

ta

ORATIO

ta postulatio. Sedent in Cœlis medij Angelorum. Sedent apud Imperatorem suum Iesum veterani milites, de sua quidem iam felicitate securi, sed de nostra salute solliciti. Non enim sicut membra carnis, sic exuerunt viscera pietatis, nec sic induerunt stolam gloriæ, vt nostræ sint obliti miseræ. Non est terra obliuionis, quam nunc inhabitant, quippe, quæ non est terra, sed Cœlum. Cœlestis habitatio, animas quas admittit, non indurat, non memoria priuat, non spoliât pietate, vt pro eis non orent defuncti, quos dilexere viuentes. Et qui incolunt Cœlos, despiciant terras. Non sunt pincernæ Pharaonis, qui nostræ captiuitatis non recordentur. Absorti quidem sunt in gloria, sed nō obliti clamorem pauperum. Dolores suos nesciunt, at sentiunt nostros. Succurrunt nobis Angeli, non succurrent qui ex nobis sunt, & nescient in his nobis compati, in quibus ipsi sunt passi. Non deerunt nobis gloriosa per illos miracula, nisi nos per modicam fidem miraculis deesse voluerimus. Quid non faciant, quod semper fecerunt? Ecce & nunc apparuit illorum benignitas & gratia, in claudo homine, qui septem iam annos habens in infirmitate sua, cum dis-

lutis

ORATIO

lucis cruribus incedere penitus non valeret, & primum beata hæc corpora, de locis suis moueri coeperunt, biduo sanctis perseverans precationibus, tertia demum die, recto incessu, incolumis remeavit ad propria, magnificans, & laudans Deum, in beatissimis istis Sanctis suis, quorum meritis sanus effectus fuerit. Non est obscurum factum, quod & Reuerendus Abbas, vosque ipsi magnifici Reipublicæ Designati, accurata examinatione didicistis. O quam beata & felix es Patauium, quæ tales habeas apud Deum Oratores, quorum patrocinio subleueris. Felix & tu sacratissimum & augustissimum templum, felices aræ, felicia marmora, quibus datum est, sanctissima diuorum ossa contegere, & coelestes seruare thesauros. Iam te laudabunt templum Dei sanctum, te mirabuntur, qui detrahebant tibi, & adorabunt in te filij tui. Quibus aliquando ambitiosum visum es & superbum, nunc te videntes tantorum Coeli principum habitaculum, humile videberis & angustum. Quippe quorum honoribus, quorum beatissimis memorijs, quorum pretiosis ossibus, non Memphiticæ Pyramides, non antiqua maximorum regum mansolea, non ipsum quoque suffi-

O R A T I O

sufficiat Cæsareum, cui omnis cederet labor
 amphitheatrum, Quæ namque illis digna do-
 mus in terris, qui præclaram illam in Cœlis ha-
 bitant ciuitatem, cuius turres gemmis ædificate
 sunt, & omnes muri eius ex auro purissimo. Hic
 itaq; felicissime huius exaltationis dies celeberrimus
 tibi sit, inclyta Pataviū, celeberrimus &
 filijs tuis. Nulla illius memoriâ temporis, lon-
 gitudō, nulla deleat obliuio. Sed ingenti cum
 lætitia, & exultatione æternum tibi sit diuinæ
 gratiæ, & Peregrini Mutinensis, Abbatis, deuotissimeq; Iustiniæ huius Familiæ tuæ, spiri-
 tualis studiū monumentū. Vos vero sanctissimi
 Paradisi ciues, ac domestici Dei, optimi patroni
 nostri, respicite ad suplices vestros, respicite ad
 debiles & infirmos, & hæc sit vestrorū consum-
 matio triumphorum, si & nobis vos vicisse sen-
 tiamus. Da pijsime Iesu, sic eos apud te de suis
 victorijs gloriari, vt non subeat obliuio nostri.
 Serua illorū ad te meritis & precibus, charam
 hanc patriā suā, dilectāq; ciuitatē, cū vniuerso
 populo suo. Serua sereniss. Dominos, ac princi-
 pes nostros, quorum felici auspicio, perpetua pa-
 ce latemur. Serua hos eis reuerenter Astantes
 iustissimos moderatores, vt creditā sibi Ciuita-
 tem,

ORATIO

tem, a malis omnibus sua auctoritate tutentur,
moribus ornēt. Serua optimos Gymnasiarchas,
& emitte super illos sapientiam tuam, vt cū illis
sit, & cum illis laboret. Serua magnificos Reip.
Designatos, & bonitatem ac disciplinam tuam
doce illos. Indue Sacerdotes salutare tuum, Mo-
nachos beatę contemplationis suauī delectatio-
ne perfunde. Serua omnem istam supliciter pro-
cumbentem presentem cateruam, in eorū hodie
exaltandis corporibus, in eorum dicandis aris,
in eorum honoribus & laudibus congregatam.
Ante omnes vero sanctifica reuerendissimū An-
tistitem nostrum, vt per auxilium gratiæ tuæ pu-
rissimis manibus benedicat Populo suo in pace.


DIXI.



BIBLIOTECA DEL SEMINARIO
VESCOVILE DI PORDENONE

N. ingr.

38958





LA FUCINA 222
ROMA TEL. 06/6274222



